



ANIMADVERSIONES

IN

CLASSEM XIV.

Agentem de Præparationibus Simplicium Medicamentorum.



Ariorum *Medicamentorum* in hac Classe variæ occurrunt *Præparationes*, quarum non paucæ, (si penitiùs paulò in fundo rei examinentur) *Destructiones* rerum potius, quam *Præparationes* nuncupandæ sunt: quod in prima statim nota ab Authore præparandi methodo præfixa imprimis videre est: etenim in ea plurimarum rerum, ut *Cornuum*, *Ossium*, &c. *præparationem* ab earum *Ustione* orditur, quâ prædictarum *Principia* adeoque & *Virtutes proprias ac Qualitates* destrui relictâ *terrâ mortuâ*, nemo in *Arte Chimica* vel leviter edoctus, non videt: unde quid à *Cornu Cervi* aut *Ebore ustis* tantopere hodie usitatis in *Morbis* propulsandis promittere sibi *Practici* debeant, facile visu est: neque verò quem adeo in *Chimia* rudem existimo, qui *propulsis vehementi fulcano volatilibus eorum principiis*, eximie in *Medicina* efficaciam futurum *salem fixum* in cineribus (uti alias in *vegetabilibus* usu venire solet) sibi pollicatur: contrarium enim tum quotidiana in *Chimia* experientia,

tia, tum Aurifabri in *Cupellationibus* suis edocentur ac evincunt. 212 b

Quoad cætera, quæ affusâ aquâ aliquâ stillatitiâ levigari jubentur, cum aqua illa per modum *Phlegmatis* sese habeat, quod totum in eorum *exsiccatione* evaporare debet, nihil ab illa rebus *præparatis* virium accedere, inferendum est. Quod si autem rerum *aliarum Qualitatibus præparata* imbueri animus est, id multò utilius earum *decoctis* aut *Succis* efficietur.

Taceo in ejusmodi *præparatione ac levigatione* plurimum à *Lapide*, in quo *levigatio* peragitur, abradi ac proinde non parum rerum earum *pondus* augeri, ut propriâ experientiâ compertum habeo, dum *Lapidum pretiosorum dragmas septem* post *præparationem* in *Marmore* deprehendi ad *tres dragmas* adauctas.

In *præparationem Cornu Cervi Spagyrici*
descriptam paginâ 132.

Optimè hic notat Author (quamvis haud satis in prima nota memor) flammis violentis ejusdem *Cornu vires* exuri: at insuper mecum notare dignetur *Spagyrica* ejusmodi *Præparatione ac humida Calcinatione* vires ejusdem cum *mucilaginosâ ejus substantia* plurimum ab *allabentibus ac lambentibus aquarum destillatarum vaporibus* elui, non ab simili ratione quam per *Cocktionem in aqua* fieri solet: hujus autem asseriti luculentum indicium est, quod ab *evaporatione aque illius, quæ per Alembicum destillando* prodiit, reliqua sub finem reperitur *Gelatina*, non secus ac si *aquæ Cornua* fuissent incocta, quam *Gelatinam*, si ulterius exsiccata per *Retortam* vehementi igne destillaveris, non aliter ac è *Cornu ipso Sale volatilem, Spiritum & Oleum*

Oleum adipifceris : & hæc quidem ita à me dicta omnes intelligant , non quod *Cornu cervi* & *similia spagyricè præparata* omni prorsus virtute radicali castrata pronunciem verum id firmiter assero *Cornua* & *ossa cruda* plus quam ad medietatem viribus suis superare alia ejusdem rationis *Spagyricè præparata* , quod curioso cuivis per *artem spagyricam* utriusque partes æquales destillationi subji- ciendo , manifestum fiet.

In Præparationem Millepedum descriptam pag. 133.

NE in decantatione *Spiritus Vini ab Asellis inebrius*, non exiguum fortè virium ille secum ferat : en aliam methodum. Accipe vasa duo sive vitrea, sive terrea orificis suis exactè correspon- dentia, quorum unum *Millepedes* continens clau- datur linteo raro, vas autem illud inversum adapta alteri vasi *Spiritum Vini* continenti, & interstitiis exactè oclusis impone igni lentissimo, ut *vapore ascendente Millepedes* inebrientur & suffocentur (quod brevissimè fiet) suffocati exsiccentur ad usum.

In Correctionem & Præparationem Opii descriptam pagina 133.

O*Pii correctio & præparatio*, an adeo genuina ea sit ac deprædicatur, maximè dubito, cum enim *præcipua Opii vis* in *Sulphure* (ut aiunt) *narcotico* consistat, vanum mihi videtur illud per *Opii torrefactionem* ab eo eliminare, cum præterea *Sulphur* prædictum plurimum alioquin à *parte aquosa* temperetur: certè non tam ad *Qualitates* ejus quod- tidianâ experientiâ notas, quam ad *Quantitatem* & *exhibitionis tempus* scrupulosè attendendum existimo. Imo *crudum* illud hodie à non paucis in
usum

usum trahitur, neque à Turcis, à quibus id tanta
quantitate assumitur ulla *torrefactione prævia* præ-
paratur: quod si tamen aliquid in *Opio* præparare
animus est, id præcipuè fiat, illud à *partibus suis he-
terogeneis* mediante solutione in *Spiritu Vini* lepa-
rando: interim tamen circa præparationem præ-
dictam liberum cuique relinquo arbitrium.

Duas sequentes Classes non attigi, primam Chi-
micis, alteram Botanicis relinquens, qui de earum
contentorum sinceritate dijudicare poterunt: mihi
interea propriis negotiis ab earum examinatione
abstracto hisce supersedere visum est, eos, qui hæc
legerint quam humillimè & enixissimè rogans, ut,
si quid in præcedentibus meis Animadversionibus
erroris inadvertenter irrepserit (quia homo sum
& errare possum) aut aliter minùs placuerit, id
mihi benignè significare diguentur pro viribus in
omnibus satisfacere parato: nec ob ea absente me
scripta mea malignis interpretationibus dilacerent
ac caninis invidiæ dentibus divellant; ea enim,
quæ quibusdam erronea visa fuerint, alii re benè
inspectâ & intellectâ benignè interpretabuntur:
interim pro coronide in Pharmacopæorum & Pra-
cticorum gratiam sequentem tabulam adjicio, ex
qua faciliè quis agnitâ *Simplicium* præcipuè *pur-
gantium Dosi*, *compositorum Doses* determinare po-
terit.